



SOALAN - SOALAN LAZIM (FAQ)

SPS LINDUNG – *Delivery Riders*

PERTUBUHAN KESELAMATAN SOSIAL (PERKESO)

BIL. 1/2021 | 23 DISEMBER 2020

- 1. Apakah itu SPS Lindung ataupun Skim Bencana Pekerjaan, PERKESO di bawah strategi Perlindungan Sosial, di dalam Belanjawan 2021?**
 - **SPS Lindung ataupun Skim Bencana Pekerjaan di bawah perlindungan sosial** adalah bantuan Kerajaan yang diumumkan oleh YB Menteri Kewangan semasa pembentangan Belanjawan 2021 di Parlimen pada 6 November 2020 bagi menyediakan perlindungan keselamatan sosial di bawah **Skim Keselamatan Sosial Pekerjaan Sendiri (SKSPS), PERKESO** kepada Orang Bekerja Sendiri (OBS).
 - Bantuan Kerajaan ini adalah merupakan pakej penambahbaikan ke atas inisiatif **PenjanaGig** yang sedia ada diberikan kepada kumpulan ini sejak 15 Jun 2020.
- 2. Siapakah kumpulan Orang Bekerja Sendiri (OBS) yang disasarkan untuk menerima inisiatif Kerajaan di bawah SPS Lindung ini?**
 - Kumpulan sasaran OBS di bawah program inisiatif Kerajaan ini adalah *Delivery Riders* dengan jumlah sasaran penerima seramai 40,000 orang.
 - *Delivery Riders* di sini merujuk kepada pekerja sendiri yang melaksanakan aktiviti penghantar barangan ataupun makanan dengan menggunakan motorsikal, basikal ataupun berjalan kaki.
- 3. Berapakah bantuan Kerajaan yang disalurkan kepada OBS melalui SPS Lindung ini?**
 - Bantuan Kerajaan yang disalurkan kepada OBS melalui **SPS Lindung** ini adalah berbentuk pembiayaan bayaran penuh (100%) caruman SKSPS oleh pihak Kerajaan.

4. Apakah pelan caruman Keselamatan Sosial yang disediakan oleh PERKESO di bawah SKSPS?

- Terdapat empat (4) jenis Pelan bayaran caruman SKSPS, seperti di Jadual 1 berikut:

Jadual 1 : Pelan Caruman SKSPS, PERKESO

Pelan Pilihan	Pendapatan Diinsuranskan	Caruman Bulanan	Caruman Tahunan
1	RM1,050	RM13.10	RM157.20
2	RM1,550	RM19.40	RM232.80
3	RM2,950	RM36.90	RM442.80
4	RM3,950	RM49.40	RM592.80

5. Di bawah SPS Lindung, apakah pelan caruman yang dibiayai oleh Kerajaan?

- Pelan caruman yang dibiayai oleh Kerajaan di bawah **SPS Lindung** ini adalah **Pelan Caruman Kedua** iaitu sebanyak RM232.80 untuk tempoh perlindungan setahun.

6. Apakah syarat-syarat yang melayakkan OBS untuk mendapatkan manfaat di bawah SPS Lindung?

- Syarat-syarat kelayakan SPS Lindung adalah seperti berikut:
 - i. bertaraf warganegara Malaysia / permastautin tetap;
 - ii. tanpa mengira had umur;
 - iii. OBS bekerja sendiri di bawah kategori *delivery riders* iaitu penghantar barangan atau makanan;
 - iv. bekerja sepenuh masa atau separuh masa; dan
 - v. OBS bekerja di Malaysia.

7. **Apakah manfaat yang disediakan kepada *Delivery Rider* yang menyertai SPS Lindung?**

- Manfaat atau faedah perlindungan Keselamatan Sosial yang disediakan di bawah **Skim Keselamatan Sosial Pekerjaan Sendiri** adalah seperti dinyatakan di Jadual 2 berikut;

Jadual 2 : Faedah Di Bawah Skim Keselamatan Sosial Pekerjaan Sendiri

Jenis Faedah	Manfaat Diperolehi
Faedah Perubatan	Bayaran percuma di mana-mana klinik panel PERKESO atau hospital Kerajaan
Faedah Hilang Upaya Sementara (HUS)	Bayaran sebanyak RM41.33 sehari iaitu 80% daripada pendapatan bulanan yang diinsuranskan mengikut pelan caruman
Faedah Hilang Upaya Kekal (HUK)	Kadar 90% daripada pelan pendapatan yang diinsuranskan dan tertakluk kepada faktor umur dan taksiran peratus hilang upaya kekal.
Faedah Orang Tanggungan	Bayaran sebanyak RM1,395 sebulan sepanjang hayat (90% daripada pendapatan bulanan yang diinsuranskan)
Elaun Layanan Sentiasa	Bayaran RM500 sebulan kepada OBS yang tidak berdaya akibat bencana pekerjaan sehingga memerlukan layanan oleh orang lain.
Faedah Pengurusan Mayat	Bayaran sebanyak RM2,000 kepada orang tanggungan OBS
Faedah Pinjaman Pendidikan	Faedah berbentuk pinjaman kepada anak OBS yang layak
Kemudahan Pemulihan Jasmani atau Vokasional	Kemudahan Pemulihan Jasmani atau Vokasional secara percuma seperti fisioterapi, anggota tiruan, kerusi roda dan kursus/latihan kemahiran

**Sampel di atas merujuk kepada faedah di bawah pelan caruman RM 232.80*

8. Bagaimanakah permohonan SPS Lindung ini boleh dibuat?

- Permohonan boleh dibuat terus kepada pejabat PERKESO atau melalui Platform Penyedia Perkhidmatan masing-masing.

9. Apakah dokumen yang diperlukan semasa membuat pendaftaran SPS Lindung ini?

- Dokumen yang diperlukan untuk *delivery riders* adalah seperti berikut:
 - i. Salinan kad pengenalan;
 - ii. **Profil id** pekerjaan OBS daripada Platform Penyedia Perkhidmatan; dan
 - iii. Salinan lesen motorsikal.
 - iv. Bagi yang berbasikal ataupun berjalan kaki, pekerja hendaklah mengemukakan salinan pendaftaran di bawah **platform penyedia perkhidmatan ekonomi gig** yang berkaitan.

10. Bilakah tarikh kuatkuasa SPS Lindung ini dan bilakah ianya akan tamat?

- Tarikh kuatkuasa SPS Lindung adalah mulai pada 1 Januari 2021 sehingga 31 Disember 2021.

11. Bilakah tarikh perlindungan SPS Lindung ini bermula dan sehingga bila tempoh perlindungan tersebut berkuatkuasa?

- Tarikh bermulanya perlindungan OBS di bawah **SPS Lindung** adalah bermula pada tarikh dan masa pendaftaran yang disahkan oleh PERKESO.

12. Bagaimanakah OBS boleh membuat semakan kelayakan atau kelulusan penyertaan program inisiatif Kerajaan ini ?

- OBS boleh menyemak pendaftaran dan caruman melalui Sistem Matrix (<https://matrix.perkeso.gov.my>) iaitu melalui status Pengesahan Bekerja Sendiri;
- Semakan kelayakan permohonan di 54 buah kaunter pejabat PERKESO di seluruh Negara; dan
- OBS yang berjaya menyertai program SPS Lindung akan menerima notifikasi pengesahan penyertaan melalui emel.

Sebarang pertanyaan lanjut, sila hubungi Pegawai Perkhidmatan Pelanggan PERKESO di talian 1-300-22-8000 atau e-mel kepada perkeso@perkeso.gov.my

PERTUBUHAN KESELAMATAN SOSIAL (PERKESO)

23 DISEMBER 2020